



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐ ՄԱՐԶԻ ԱՐՄԱՎԻՐ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Արմավիրի մարզի Արմավիր համայնք
ՀՀ, Արմավիրի մարզ, ք.Արմավիր, armavir.armavir@mta.gov.am

Ո Ր Ո Շ ՈՒ Մ

04 ՀՈՒՆԻՍԻ 2019 թվականի N 308-Ա

ՄՈՒՇԵՂ ՍԱՐԳՍՅԱՆԻՆ ՎԱՐՉԱԿԱՆ ՊԱՏԱՍԽԱՆԱՏՎՈՒԹՅԱՆ ԵՆԹԱՐԿԵԼՈՒ ՎԵՐԱԲԵՐՅԱԼ ՎԱՐՉԱԿԱՆ ՎԱՐՈՒՅԹԸ ԿԱՐՃԵԼՈՒ ՄԱՍԻՆ

Արմավիրի համայնքապետարանը քննության առնելով վարչական գործը՝ Արմավիր քաղաքի Հանրապետության փողոց թիվ 10 հասցեում գտնվող շինության առաջին հարկում Մուշեղ Սարգսյանի կողմից ապօրինի շինարարության հետևանքները վերացնելու մասին, պարզեց որ.

Մուշեղ Սարգսյանը խախտելով <<Վարչական իրավախախտումների վերաբերյալ>> Հայաստանի Հանրապետության օրենսգրքի 154-րդ հոդվածի 1-ին մասի 1-ին կետի սահմանված պահանջները, առանց համապատասխան քաղաքաշինական փաստաթղթերի, իրականացրել էր ապօրինի շինարարական աշխատանքներ (այսուհետ՝ ինքնակամ կառույց), որի համար օրենքով սահմանված կարգով նախատեսված է տուգանքի նշանակում՝ սահմանված նվազագույն աշխատավարձի երկուհարյուրապատիկի չափով, ինչի կապակցությամբ Արմավիրի համայնքապետարանի աշխատակազմի քաղաքաշինության և բնակարանային կոմունալ բաժնի պետի 22.03.2019թ. արձանագրության և 22.03.2019թ. թիվ 0963 զեկուցագրի հիման վրա 2019 թվականի մարտի 22-ին <<Վարչարարության հիմունքների և վարչական վարույթի մասին>> Հայաստանի Հանրապետության օրենքի 30-րդ հոդվածի 1-ին մասի <<բ>> կետի և նույն օրենքի 34-րդ հոդվածով սահմանված կարգով, <<Վարչական իրավախախտումների վերաբերյալ Հայաստանի Հանրապետության օրենսգրքի 154-րդ հոդվածի 1-ին մասի 1-ին կետի պահանջների խախտման փաստով հարուցվել է վարչական վարույթ:

Նշված փաստական հանգամանքները հաշվի առնելով՝ 2019 թվականի մարտի 22-ին <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի <<բ>> կետի հիմքով, Արմավիրի համայնքապետարանում հարուցված վարչական վարույթի շրջանակներում 2019 թվականի ապրիլի 8-ին հրավիրվել է վարչական նիստ, Արմավիրի համայնքապետարանի կողմից միջոցներ է ձեռնարկվել իրավախախտող Մուշեղ Սարգսյանին Արմավիրի համայնքապետարանում կայանալիք նիստի վերաբերյալ ծանուցելու համար, սակայն ծանուցագիրը չէր հանձնվել վերջինիս չհայտնաբերելու պատճառով և նիստը անցկացվել էր Մուշեղ Սարգսյանի բացակայությամբ:

Հաշվի առնելով նշված հանգամանքները Արմավիր համայնքի ղեկավարը 18.04.2019 թվականի թիվ 243-Ա որոշմամբ Մուշեղ Սարգսյանին վարչական պատասխանատվության ենթարկելու վերաբերյալ վարչական վարույթը կասեցնելու մասին որոշում է կայացրել:

Վարչական հանձնաժողովը 13.05.2019 թվականին հրավիրել է նոր նիստ, որի մասին ծանուցումը 08.05.2019 թվականին իրախախտող Մ. Սարգսյանին հանձնվել է առձեռն /հիմք՝ 06.05.2019 թվականի թիվ 0867 ծանուցում/:

Նիստին ներկա իրավախախտող Մ. Սարգսյանը պարտավորվել է սեղմ ժամկետներում՝ մեկ շաբաթվա ընթացքում վերացնել իրավախախտման հետևանքները և տարածքը բերել նախնական տեսքին:

Արմավիրի համայնքապետարանի աշխատակազմի քաղաքաշինության և բնակարանային կոմունալ բաժնի պետը 31.05.2019թ. /թիվ 1745/ զեկուցագիր է ներկայացրել, համաձայն որի իրավախախտող Մ. Սարգսյանը վերացրել է իրավախախտման հետևանքները՝ ձևափոխությունը վերականգնվել է:

Վարչական ակտն ընդունելու համար հիմք հանդիսացող փաստերը.

Արմավիրի համայնքապետարանի աշխատակազմի քաղաքաշինության և բնակարանային կոմունալ հարցերի բաժնի պետի կողմից Արմավիր համայնքի Հանրապետության փողոց թիվ 10 հասցեում ապօրինի շինարարություն կատարելու մասին 22.03.2019թ. կազմված թիվ 2 արձանագրությունը և 22.03.2019թ. թիվ 0963 զեկուցագիրը:

Վարչական հանձնաժողովի 2019 թվականի ապրիլի 8-ի թիվ 2/19 արձանագրությունը:

Արմավիրի համայնքի ղեկավարի վարչական վարույթը կասեցնելու մասին 18.04.2019թ. թիվ 243-Ա որոշումը:

Վարչական հանձնաժողովի 2019 թվականի մայիսի 13-ի թիվ 2-2/19 արձանագրությունը:

Արմավիրի համայնքապետարանի աշխատակազմի քաղաքաշինության և բնակարանային կոմունալ բաժնի պետի 31.05.2019թ. /թիվ 1745/ զեկուցագիրը:

<<Վարչարարության հիմունքների և վարչական վարույթի մասին>> ՀՀ օրենքով սահմանված կարգով հարուցված և իրականացված վարչական վարույթի ընթացքում գործի փաստական հանգամանքների բազմակողմանի, լրիվ և օբյեկտիվ բնության արդյունքում, բացահայտելով գործի բոլոր հանգամանքները և հիմք ընդունելով վերոհիշյալ փաստերը վարչական մարմինը հաստատված է համարում հետևյալը.

Արմավիր քաղաքի Հանրապետության փողոցի թիվ 10 շինության առաջին հարկում ապօրինի շինարարական աշխատանքներ իրականացրած Մուշեղ Սարգսյանը վերացրել է իրավախախտման հետևանքները՝ ձևաձոխությունը վերականգնվել է:

Վարչական ակտ ընդունելու հիմնավորումը.

Համաձայն <<Տեղական ինքնակառավարման մասին>> ՀՀ օրենքի 35-րդ հոդվածի առաջին մասի 26-րդ կետի՝ համայնքի ղեկավարը, օրենքով նախատեսված դեպքերում և կարգով անձանց ենթարկում է վարչական պատասխանատվության:

Համաձայն <<Տեղական ինքնակառավարման մասին>> ՀՀ օրենքի 42-րդ հոդվածի առաջին մասի 8-րդ կետի՝ համայնքի ղեկավարը, որպես սեփական լիազորություն, օրենքով սահմանված կարգով քաղաքաշինության և կոմունալ տնտեսության բնագավառում կանխարգելում ու կասեցնում է ինքնական շինարարությունը և օրենքով սահմանված կարգով ապահովում է դրանց հետևանքների վերացումը:

«Քաղաքաշինության մասին» ՀՀ օրենքի 26-րդ հոդվածի 4-րդ մասի համաձայն՝ քաղաքային և գյուղական համայնքների տարածքներում համայնքի ղեկավարը վերահսկում է կառուցապատողներին տրված ճարտարապետահատակագծային առաջադրանքների, բնակավայրերի քաղաքաշինական կանոնադրության պահանջների կատարումը, հողերի և ամրակայված գույքի քաղաքաշինական նպատակային օգտագործումը, ինչպես նաև կանխարգելում, կասեցնում է ինքնական շինարարության դեպքերը և օրենքով սահմանված կարգով ապահովում է դրանց հետևանքների վերացումը:

<<Վարչարարության հիմունքների և վարչական վարույթի մասին>> Հայաստանի Հանրապետության օրենքի 49-րդ հոդվածի 3-րդ մասի երկրորդ պարբերության համաձայն՝ վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

<<Վարչարարության հիմունքների և վարչական վարույթի մասին>> Հայաստանի Հանրապետության օրենքի 50-րդ հոդվածի 2-րդ մասի <<ա>> կետի համաձայն՝ անձը, ում հասցեագրված է լինելու վարչական ակտը, վերացրել է օրենքի կամ իրավական այլ ակտի պահանջների խախտումները կամ պատշաճ միջոցներ է ձեռնարկել խախտումները կանխելու ուղղությամբ, և նման դեպքերում օրենքն այդ խախտումների վերաբերյալ չի պահանջում վարչական ակտի ընդունում.

Ելնելով վերոգրյալից և ղեկավարվելով <<Տեղական ինքնակառավարման մասին>> ՀՀ օրենքի 35-րդ հոդվածի առաջին մասի 26-րդ կետով, 42-րդ հոդվածի առաջին մասի 8-րդ կետով, «Քաղաքաշինության մասին» Հայաստանի Հանրապետության օրենքի 26-րդ հոդվածի 4-րդ մասի և <<Վարչարարության հիմունքների և վարչական վարույթի մասին>> ՀՀ օրենքի 49-րդ, հոդվածի 3-րդ մասի երկրորդ պարբերությամբ և 50-րդ հոդվածի 2-րդ մասի ա) կետի, և հիմք ընդունելով Արմավիրի համայնքապետարանի վարչական հանձնաժողովի 08.04.2019թ. թիվ 2/19 արձանագրությունը,

համայնքի ղեկավարի 18.04.2019թվականի թիվ 243-Ա որոշումը և Արմավիրի համայնքապետարանի վարչական հանձնաժողովի 13.05.2019թ. թիվ 2-2/19 արձանագրությունը և Արմավիրի համայնքապետարանի աշխատակազմի քաղաքաշինության և բնակարանային կոմունալ բաժնի պետի 31.05.2019թ. /թիվ 1745/ զեկուցագիրը.

ՈՐՈՇՈՒՄ ԵՄ

1. Մուշեղ Սարգսյանի նկատմամբ 2019 թվականի մարտի 22-ին հարուցված վարչական վարույթը կարճել:
2. Սույն որոշումը կարող է դատական կարգով բողոքարկվել ՀՀ վարչական դատարան՝ ՀՀ վարչարարության հիմունքների և վարչական վարույթի մասին>> ՀՀ օրենքի 70-րդ և ՀՀ վարչական դատավարության օրենսգրքի 73-րդ հոդվածներով նախատեսված կարգով՝ դրա ուժի մեջ մտնելու օրվանից երկամսյա ժամկետում:
3. Սույն որոշումն ուժի մեջ է մտնում կողմերին իրազեկելուն հաջորդող օրվանից կամ սույն որոշմամբ ուղղակիորեն շոշոփվող անձանց վերաբերյալ տեղեկությունները հայտնի չլինելու դեպքում հրապարակման պահից, azdacar.am կայքի և/ կամ համայնքապետարանի տեղեկագրերում հրատարակելու միջոցով:

ՀԱՄԱՅՆՔԻ ՂԵԿԱՎԱՐ



ԴԱՎԻԹ ԽՈՒԴԱԹՅԱՆ

2019 թ. հունիսի 04
ք. Արմավիր